



Bentiaraq Ottosen

UPA 2026/112-1

Atassut

5. Maj 2026

**Kalaallit Nunaanni mittarfinnut nunanut tamalaanut atorneqartunut tamanut kalaallit erfalasuata qaqinneqartarnissaa qulakkeerneqassasoq pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Lars Poulsen, Siumut)

Atassummiit siunnersuuteqartoq Lars Poulsen, Siumut siunnersuutaanut isumaqataanartumut siullertut qutsavigiumavarput.

Atassut isumaqarpoq Kalaallit Nunaata nunanut tamalaanut ammasuunera ersarissarneqartariaqartoq, aammalu nunarput tulluusimaarutigisariaqaripput. Taamaattumik siunnersuut, Naalakkersuisut peqquneqassasut Kalaallit Nunaanni mittarfinnut nunanut tamalaanut atorneqartunut tamanut Erfalatorput qaqinneqartarnissaa qulakkeerneqassasoq, Atassummit siunnersuut taama ittoq nuannaarutigaarput.

Erfalatorput tassaavoq kinaassuserput, oqaluttuarisaanerpullu, kiisalu nunarsuarmi inuiaqatigiinnut qanoq inissisimanerput pillugu ersarissumik takutitsisoq. Mittarfiit tassaapput tikeraanut siullerpaamik naapiffiusartut, tassanilu pingaaruteqarpoq takussutissaqarnissaa Nunatta, Nunarput immikkuullarissuuvoq nunarsuarmi assigneqarani, kinaassuserput ilisarnaaterput tikittunut takussutissaasariaqarpoq.

Taama oqaaseqarluta Naalakkersuisut allannguutissatut siunnersuutaat taperserparput, Inatsisinut ataatsimiititaliamut innersuullugu inassutigaarput.